

【佛知見】（科註第五八三頁倒數第六行）

《佛學大辭典》：（術語）了知照見諸法實相理之佛智慧也，是為二智中一切種智之用，故就智體而云知。又為五眼中佛眼之用，故就眼而云見。得此佛知見，有開示悟入之次第，初於十住位斷一分之無明，得少分之知見，謂之開佛知見，乃至於十地終斷盡無明，知見圓明，謂之入佛知見。釋迦佛出世之一大事因緣，為開示悟入此佛知見也。

法華文句四曰：「佛以一切種智知，佛以佛眼見，開此智眼乃名佛知見。」

【開示悟入】（科註第五八三頁倒數第四行）

《佛學大辭典》：（術語）開佛知見，示佛知見，使悟佛知見，入佛知見也。是顯佛出世本懷之語。（中略）

開者如始開藏戶也。示者如現藏內之寶也。悟者如一一記得藏內寶物也。入者如入藏取寶物也。此開悟之淺深，次第配之於大乘之階位四十位。

文句四上曰：「知見者，智知於理，見諦法。諦法無為則無分別。以無為故而有差別。約此知見，論開示悟入，以略擬廣則有四十位。〔中略〕開者，即是十位。初破無明，開如來藏，見實相理。示者，惑障既除，知見體顯，體備萬德，顯示分明，故名為示。悟者，障除體顯，法界行明，事理融通，更無二趣。入者，事理既融，自在無礙，自在流注，任運從阿到

茶（「茶」為般若經所說四十二字門之最後梵字。天台宗以四十二字表大乘之四十二位，以阿字表初住，以茶字表妙覺。）；入薩婆若海（「薩婆若」此云一切種智，即諸佛究竟圓滿果位之智。）」